

"Sero de Abrile"



Su sole intro su mare
hat sos ultimos rajos affogadu;
su legu ciulare
s'amabile puzzone hat già frimmadu
e bolat, solu-solu,
s'amenu cantu de su rissignolu.

S'alzat sa luna tunda
in s'infinidu chelu a passu lentu;
e dogni baraunda
morit, soave, in brazzos de su 'entu:
tott'est serenidade
in sa divina tranquillidade;

e paret ch'in su mundu
che istinchiddas, sas istellas pighent:
e tattu in tundu in tundu
su pasu 'e s'universu beneighent
mustrendelu ^{zente}
de su pizzinnu in su sonnu innozente.

! Sa paghã s'ala 'ettat,
! dissipende sas puntas de su male;
! e soave prenettat
! intro su coro de ogni mortale
! serrende, cun amore,
! sas fozas lentas de ogni fiore.

! Diffronte a tal'incantu,
! abbaidende cun oju infantile,
! trattenzo su piantu
! pensende a su perdidu meu abrile;
! a s'abrilz fadadu
! forsi cun troppa presse già passadu.

! Ma dulzemente ispero
! e disizo, torrende in me, giocundu:
! chi chei custu sero
! restet perenne s'abrile in su mundu;
! e chi s'abrile meu
! torra l'acciappe, cun su mundu intreu.

(s'Ispigadore)

----- S' Ispigadore -----

"Su 'entu prepotente"

Bentu chi sulas perversu,
iracundu e prepotente;
ch'attraversas s'universu
mastrattende, impettuosu,
ogni cosa e-i sa zente:
che padronu addirittura
contr'a totta sa natura
ti la leas, puntigliosu.

Tue buluzas sas nues
cand'in chelu sun'in calma;
tue, perfidu, distrues
fruttos fattos e fiores;
das cumbattas a sa palma,
birdes alvures isfozas;
de tottu sa terra ispozas,
l'arremnegas sos umores.

Su serenu e santu pasu
turbat su tou passare;
de su manzanile 'asu
iscumpiglias su lagore.
Aggittas s'immensu mare,
sas undas in altu cazzas,
sa misera vela illazas
de s'umile piscadore.

! Oh! Idea ispaventosa
! ogni cosa a mastrattare!
! Non s'agattat pous cosa
! che criaresi disdignu!
! Bentu lassa su "sulare":
! de sa calma s'ala aberi
! che cando dals'e lezzeri
! passas che una carignu.

! Cando nen ses prepotente
! cantu 'ene a totta faghes!
! A sas cosas, a sa zente,
! a dogn'una das cunfortu
! e a dogn'una piaghes.
! Ahi, cun su puntigliare
! noxs faghimus odiare
! e, pro aggiunta, in tortu.

(s'Ispigadore)

----- S' Ispigadore -----

"Su Ponte"

Su riu est rumorosu e buluzadu:
sa furia de s'abba hat istruidu
su passazu de s'omine in su adu.

Tremat su coro umanu impauridu
ca non podet a tantu fagher fronte
senz'esser da' sas undas ingullidu.

Eppuru devet lassare "Su Monte"*,
devet "cheret", poi, a dogni costu:
e tando solu pensat a su Ponte.

S'unda niedda in bisonzu l'hat postu
de chiscare seguru unu passazzu
senz'esser a perigulos espostu.

Tando, dezisu, lassat su "pedrazzu":
passat subra su Ponte a pé se-ciuttu
e sighit, tranquillu, su 'iazzu.

E tando 'idet maduru su fruttu
de su pensare, 'e sa riflessione:
su-ghi verso su Ponte che l'hat giuttu.

Subra s'istintu 'incat sa rejone:
ca custa est ponte chi sos "ados" unit:
s'istintu, a boltas, est perdizione;

sutta s'impulsu su bene remunit
e si s'omin'a issu fattu ponet
o chitto o taldu iss'e tottu lu punit.

Omine, nessi cando til'imponet
s'abba "russa", niedda e buluzada,
fagh'a modu chi s'istintu arrejonet

e tes'haer vittoria contada.

(s'Ispigadore)

----- S' Ispigadore -----